



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno Christi 726. Usque Ad Annum 813

Fleury, Claude

August. Vind. [u.a.], 1760

VD18 90117859

§.32. Alphonsus Catholicus.

[urn:nbn:de:hbz:466:1-66091](https://nbn-resolving.org/urn:nbn:de:hbz:466:1-66091)

Sæcul. VIII. Petrum vero Damascenum quarto Octo-
 A C. 741. bris.

§. XXXII.

Alphonfus Catholicus.

Sebast. Sal-
mant. p. 47.

In Hispania Christiani vires sensim reci-
 piebant. Pelagio Rege æra 775. nem-
 pe anno septingentesimo trigesimo septi-
 mo fati functo, qui non plus duobus an-
 nis regnavit, & Successorem habuit Al-
 phonsum Ermesindæ Sororis suæ virum
 Petri Ducis Cantabrorum filium, genus
 a Rege Reccaredo ducentem, Rex Al-
 phonfus cognomento Catholicus Arabes
 quorum accisæ vires erant, cladibus in
 Francia acceptis, aliquoties prælio vi-
 ctos multis urbibus exiit. Has nume-
 ro triginta & unam fuisse referunt, qua-
 rum præcipuæ erant Lucus Augusti, Tu-
 de, Portugallia, Bracara Lusitaniæ Me-
 tropolis, Salamanca, Sertina, Abula, Se-
 gobia, Asturiga, Legio. Arabes istarum
 urbium incolas internecone delevit, &
 Christianis in Asturiam secum abductis,
 eas desertas reliquit. In quasdam vero
 alias novos incolas induxit, quarum ex
 numero fuere Burgi. Lucum quoque in
 Gallæcia ad Minium annum civibus re-
 plevit, deditque Episcopum nomine Odo-
 arium, qui postquam Ecclesiam & urbem
 restauravit, in adjacentes etiam agros
 cultores immisit. Rex Alphonfus mul-
 tas

Diplom. an.
744. ep. mo-
ral. l. c.

tas Ecclesias vel a fundamentis erexit, vel reparavit, cumque annis octodecim felicissime regnasset mortuus est an. 757. æra 795. filium suum Froilam Successorem relinquens. Alphonfus & Conjux ejus Ermesinda in Monasterio S. Mariæ haud procul *Cangas* sepulti sunt.

Monasteria aliqua in Hispania etiam sub Arabum Dominatu conservabantur. Id patet, ut alia prætereamus, ex litteris tutelariis, quas duo illius nationis Belliciduces civibus Conimbricensibus vicinisque colonis concesserunt, æra septingentesima septuagesima secunda, seu anno septingentesimo trigesimo quarto datas. In his litteris præcipitur, ut tributum, quod Arabes dabant, Christiani duplicarent, nempe quælibet Ecclesia penderet libras argenti viginti quinque, Monasteria quinquaginta, & Ecclesiæ Cathedralis centum. Christiani Comitem habeant Conimbricæ, & alium suæ nationis Goadathæ seu Aguedæ, qui petentibus jus dicant; sed reos morte punire non possint, nisi *Alcaide* seu *Alguazil* Arabs mandaverit, eorumque sententiam confirmaverit. In exiguis vicis Christiani Judices constituent. Si Christianus Arabem occiderit aut injuriam fecerit, ab *Alguazil* seu *Alcaide* secundum legem Arabum judicetur. Si Christianus virginem Arabem ludificatus fuerit,

H 5 Musul-

Sæcul. VIII.
A. C. 741.

Sandoval.
hist. p. 87.

Sæcul. VIII. Musulmannus fiat, & eam ducat; si no-
 A. C. 741. lit, interficiatur. Si nuptæ illuserit, oc-
 cidatur. Si quis Christianus intret *Moscheam*, si *Allach*, id est, Deo, si Mahometi maledicat, Musulmannus fiat, aut interficiatur. Episcopi Christiani Regibus Musulmannorum non maledicant, indicta pœna capitis. Presbyteri non nisi foribus clausis Missas celebrent, indicta decem librarum argenti multa. Monasteriis, si dictas quinquaginta libras solverint, pax & quies præstetur. *Monasterium Lorbanense nihil pendat, dicit litterarum tutelarium Auctor, quia Monachi isti mihi ad venandum exeunti bona fide ferarum latibula indicant, & venientes ad se Musulmannos humane excipiunt. Ideo Bona sua in pace possideant, Conimbricam, ut lubet, commeent, a pensione quæ datur emptionis vel venditionis causa, exempti sint, ea conditione, ne sine nostro consensu ex Ditione nostra exeant.* Monasterium Lorbanense hodieque stat, & a Monachis Ordinis Cisterciensis habitatur. Ex his litteris Lectores conjiciant, quæ Christianorum in reliquis Hispaniæ partibus conditio sub potestate Arabum fuerit.

§. XXXIII.

Zacharias Papa.

Romæ Gregorio III. Papæ successit Zacharias